

四庫全書

集部

欽定四庫全書

御定歷代題畫詩類卷九十六目錄

禽類

題因師百鴈圖

宋陳造二首

百鴈圖

元戴表元

雙鴈圖

元袁楠

百鴈圖

元岑安卿

羣鴈圖

元吳師道

羣鴈圖

元傅若金

題崔白百鴈圖

元王逢

四鴈圖

元任士林

為丘彥良題牧谿和尚千鴈圖

明劉基

題五鴈圖

明鮑恂

林良雙鴈圖

明卞榮

題一鴈圖

明僧麟洲

飛鳴宿食鴈圖

元薩都拉

題蘆鴈飛鳴宿食

元陳樵四首

題飛鳴宿食蘆鴈

元戴需

題飛鳴宿食百鴈圖

元陶宗儀

題林叔壯壁上飛鳴宿食蘆鴈

明李廷美

大年宿鴈圖

元袁桷

宿鴈圖

明張泰

題宿鴈

明羅泰

鷺鷥障子

唐張喬

閔上人以鷺鷥二軸為寄因成二韻 宋林逋

題史院直舍魚鷺屏 宋張耒

題秋鷺圖 宋范成大

百鷺圖 元戴表元

題百鷺 元李祁

題九鷺圖 元吳澄

九鷺圖 元傅若金

題畫鷺鷥 元貢性之

鷺鷥手卷 元錢惟善

題尚仲良畫鷺鷥卷 明張以寧

九鷺圖 明楊基

題九鷺圖 明王佐

九鷺圖 明李暉

題九鷺圖 明蕭鎰

九鷺圖 明商輅

柳塘三鷺圖 明商輅

一鷺圖 明劉珣

題鷺 明徐溥

柳鷺 明彭華

三鷺圖 明倪岳

林良鷺鷥圖 明吳寬

題畫鷺鷥 明何孟春

題蓮塘雙鷺圖 明羅泰

九鷺圖 明李堅

九鷺圖 明廖道南

常州守趙麗卿索題鷺洲圖 明廖道南

應制題宣廟御筆汀鷺 明于慎行

題畫鷗鷺 明何孟春

御定歷代題畫詩類卷九十六目錄

欽定四庫全書

御定歷代題畫詩類卷九十六

禽類

題因師百鴈圖

宋 陳造

蓼灘蘆渚好徜徉肯便雲天去作行
未用選奴防夜燎不妨結伴傲晨霜

聞道崔公作蘆鴈端如莊叟玩鯨魚
騫翔唼唼妙百態君看老因盤礴餘

百鴈圖

元戴表元

近看分明遠欲無
天空闊好江湖
幸然不入虞人眼
又被閒中畫作圖

雙鴈圖

元袁桷

秋風限南北何事往來頻
並宿寒蕪際應憐自在身

百鴈圖

元岑安卿

離離鴻鴈羣渺渺水雲國
白雪剡川藤玄香牧溪迹形
真具生意彷彿二百翼
四海兄弟情於茲見叙秩前鳴

後如應高下低復逆隨陽足稻梁直夜防機弋水寒蘆
葉黃霜清葦花白羣遊得所止一氣同悅懌哀哉淮南
謠布粟歌斗尺東阿賦豆萁才高終擯斥觀圖適念此
翻為古人戚今人猶古人毋為後人惜

羣鴈圖

元
吳師道

飛影成行止共餐稻梁易足水雲寬誰知江海離羣客
獨對秋風不忍看

羣鴈圖

元
傅若金

微茫洞庭野隱約瀟湘岸鴻鴈將棲息飛鳴求其伴先
集良未安後至淒欲斷使我裛弟兄因之中腸亂留連
江海遠慘淡秋暉晏常恐隨天風高飛入雲漢

題崔白百鴈圖

元王逢

老愚離羣影久孤客來笑示百鴈圖揩眇試數失兩箇
莫喻畫意翻令呼得非長門報秋使或是大窖傳書奴
不然一舉千里高鴻俱其餘渙泊碌瑣徒且啞且息翔
且呼營營鄭圃田之稷睢睢齊海隅之菰遑知爾更銜

爾蘆飢肥卒至充人厨小而曰騏亦就茲邇聞澤梁弛
禁官罷虞麋鹿魚鼈同少蘇羽儀好在春雲衢

四鴈圖

元任士林

江北江南秋正驕孤飛萬里氣方豪平生慣有冰霜翼
却笑東風燕雀高

為丘彥良題牧谿和尚千鴈圖

明

劉基

往時惠崇畫蘆鴈對之如在江湖遊只今此圖又精妙
中有千里瀟湘秋乃知浮屠性多巧意匠不與凡夫儔

吳松江長具區闊天目虎丘青一髮西風九月秔稻黃
朔鴈飛來翼相戛農夫苦饑鴈獨飽此意畫師應識察
近者分明辨羽毛遠者縹緲瞻秋毫或乘飄風入煙霄
或翳落日沉隍濠起如武侯布八陣集如萬舞回旌旄
眠沙卧草鳴且翔喋呷藻荇亂蓬蒿禾空穗盡却歸去紫
塞漠漠春雲高我家南山限蒼嶺鴈飛不到川路永深
林大谷蛇豕盛愁向他鄉撫虛景人言鴻鴈比弟兄我
有兄弟隔兩城題詩卷畫謝客去無使感愴傷中情

題五鴈圖

明
鮑恂

薛生三鳳世所希荀氏八龍殊絕奇郭家兄弟稱五鴈
孝友尤為人共推當時八月驚飈起五鴈分飛隔空水
十月天清五鴈歸相呼相喚蘆花裏我識郭家五弟兄
早學詩書具令名開圖見鴈發深感萬里長江無限情
我今試與五鴈語從茲休落瀟湘去瀟湘水深多網罟
明年花發玉階春玉階鴛鴦多如雲願汝飛去同為羣

林良雙鴈圖

為王學士廷貴兄廷彥賦

明
卞榮

林君善畫天下無海注墨汁傾金壺金門承詔屢揮灑
餘子碌碌非吾徒既不畫丹鳳棲碧梧又不畫文鴛依
綠蒲特作槐堂雙鴈圖涼風颯颯吹黃蘆一鴈俯啄秋
江菰一鴈翹首如相呼乘軒恥隨衛懿鶴化烏嬾逐王
喬亮吾知林君有深意此圖將以比兄弟槐堂兄弟全難
同德同心本同氣芳名豈但動一時勝事終當傳百世
丹青我已重林君手足誰能似王氏宣王有道美鴻鴈
周公多才賦常棣顧予淺薄敢題詩三月紫荊花底醉

題一鴈圖

明僧麟洲

萬里江湖一葉身
來時逢雪又逢春
天南地北年年客
只有蘆花似故人

飛鳴宿食鴈圖

元薩都拉

年去年來年復年
帛書曾達茂陵前
影連薊北月橫塞
聲斷江南霜滿天
雨暗蘆花愁夜渚
露香菰米下秋田
平生千里與萬里
塵世網羅空自懸

題蘆鴈飛鳴宿食

四首

元陳樵

肅羽遵寒渚渡江蘆葉黃誰云南去遠不敢過衡陽
萬里西風急送書時一聲從教驚客夢可待主人烹
沙汀棲處穩夜漏有奴看月暗蘆花白一聲秋夢寒
飲啄殊自得水田稻梁秋寧因謀一飽失却網羅憂
題飛鳴宿食蘆鴈

元戴需

飛鳴宿食態爭奇一片瀟湘筆底移有翼不傳千里信
無聲難訴九秋悲孤眠蘆葦喚不醒遠覓稻梁常苦飢
野壁黃昏遙望處傷弓幾度惧胡兒

題飛鳴宿食蘆鴈

元 陶宗儀

碧漢斜書草草清宵衆語雖離莫向蘆花深處江南稻
熟秋風

題林叔壯壁上飛鳴宿食蘆鴈

明 李廷美

寒塘九月風蕭索蓮花落盡蘆花白弟兄相聚最多情
全向塘中戀秋色長空千里雲霧收安巢各有稻梁謀
飛鳴宿食且適意切莫離羣過別洲

大年宿鴈圖

元 袁 桷

寒夜沙汀睡已成鴈奴翹首獨深驚朝陵間說燕王事
恨殺人間兄弟情

宿鴈圖

元張泰

獨卷霜毛宿晚汀旅魂應自繞秋冥西風莫攪蒹葭水
月苦沙寒易得醒

題宿鴈

明羅泰

西風吹影下滄洲倦倚蘆花起暮愁極浦煙深迷旅宿
寒沙夜靜怯漁謳魂歸紫塞三更月夢斷衡陽萬里秋

却被隔江人喚醒一聲長笛倚危樓

鷺鷥障子

唐
張喬

剪得機中如雪素畫為江上帶絲禽閒來相對茅堂下
引出煙波萬里心

閑上人以鷺鷥二軸為寄因成二韻

宋
林逋

閒颺粉絲荷葦外數聲惟欠叫秋陰虛堂隱几時懸看
增得滄洲趣更深

題史院直舍魚鷺屏

宋張耒

鐘鼓聲稀下直遲，秋暉初轉萬年枝。
寒廳盡日誰相對，愧愧屏風畫鷺鷗。

題秋鷺圖

宋范成大

昨夜新霜冷釣磯，綠荷消瘦碧蘆肥。
一江秋色無人問，盡屬風標兩雪衣。

百鷺圖

元戴表元

葦折荷枯可奈何，西風吹影淨婆娑。
微君作此招搖趣，

一箇江南也厭多

題白鷺

元李祁

脩然雙白鳥近水立多時慣識幽人意相看總不疑

題九鷺圖

元吳澄

自飛自息自升沉各飽魚鰕各稱心
世外泠泠風露潔還知別有九皋禽

九鷺圖

元傅若金

鮮鮮白鷺羽振振清江溼露草寒已衰
風蘆近相蔽飛

鳴各自適離居亦有次雖愜江海情終懷雲霄志君子
思有則畫者工取譬儀羽庶可希修潔誠所貴

題畫鷺鷥

元貢性之

秋堤柳疎疎秋塘荷葉枯水淺微露石水清還見魚飲
啄各自適樂哉此春鉏

鷺鷥手卷

元錢惟善

摩詰畫成詩益妙夫差鼓破事全非雨蒲煙篠寒沙暝
無數連拳幾箇飛

題尚仲良畫鷺卷

明 張以寧

滄江雨疎疎翻飛一春鋤老樹如人立欲下意躊躇明
年柳條長遮汝行捕魚

九鷺圖

明 楊基

秋塘白鷺棲煙淡草淒淒一隻來何晚青山日又低

題九鷺圖

明 王佐

江南五月薰風起爛漫荷花映湖水翩翩屬玉胡為來
結隊連拳豔香裏縞衣鶴鶴明秋霜高飛遠舉參翱翔

御風旋遠頻睇盼欲下不下仍徜徉回頭仰顧雲邊影
一聲叫斷波紋冷驚回葉底錦鱗潛喚破舟中漁夢醒
或來並宿垂楊磯困倚斜暉兩翼低水面風煙共明沒
湖邊景物初淒迷或來潛倚芙蓉渠立側身欲啄遊魚食
粉翅斜翻白練飛荷盤露走明珠滴止茲棲啄得其時
滿目紅芳良自怡不隨鷗鳥沙汀宿不逐鴛鴦蘆岬飛
有時直上青雲內鸞鳳為班鵲作對有時移入紫羅衣
能與皇家著榮貴嗟哉君子有九思貌此雪禽期自規

披圖拂拭一觀覽頓覺清風生羽儀

九鷺圖

明
李 暉

何人水墨開毫素白日晴江起煙霧強將醉眼窺微茫
乃見江南九秋鷺兩隻長鳴一隻飛兩隻共啄菰米肥
其餘四隻夢洲渚黃蘆白葦相因依我家住在苕川上
綠蓑披雨聽漁唱西塞山前今有無桃花流水應新漲
別來幾載棲林巒身欲奮飛無羽翰卷圖高談風漠漠
憶爾磯頭青釣竿

題九鷺圖

為內府傳制賦此數
取九者象乾元也

明
蕭 鏊

宣德年間邊景昭彩色翎毛稱獨步近時林良用水墨
落筆往往皆天趣鴛鴦鳬鴈清溪流寒鴉古木長林幽
等閒得意即揮灑一掃萬里江南秋此圖九鷺真奇絕
散立清煙乍明滅日長坐久看轉飄來點點青天雪
翱翔霄漢殊不驚欲下未下渾有情潛蹤獨趁水邊食
延頸忽向蘆中鳴吁嗟林生精藝有如此座客見之誰
不喜洞庭湘渚在眼前暝色慘澹涼颼起方今聖主覃

恩波四海山澤無虞羅悠悠羣鷺各自適雖有鷹鷂奈爾何

九鷺圖

明商輅

晴煙曉散垂楊堤垂楊嫋嫋臨清溪風景依稀二三月
蘭苔杜若連芳蹊溪頭紛然集羣鷺形影相隨復相顧
翹沙戲渚咸自適界水衝風飛更舞飢則窺魚飽則棲
弋羅不到無嫌猜參差九鷺態度別綠楊深處恣徘徊
孤高風格瀟灑性不逐鳥鳶不逐隼平生雅趣雲水俱

一片閒心煙雨靜
毵毵毛羽勝霜雪
數聲叫徹滄波月
宛如野鶴出塵埃
回視凡禽總殊絕
伊誰巧奪造化工
九鷺寫入丹青中
非惟潔白堪比德
所貴體物存心胷
乘時高奮搏風翮
充廷久向鴈行立
遙看洲渚渺茫茫
日近蓬萊天咫尺

柳塘三鷺圖

明商輅

素質飄飄絕點埃
幽棲常傍水雲隈
自從簞羽鴈班後
時逐仙禽上苑來

一鷺圖

明 劉珏

芳草垂楊蔭碧流
雪衣公子立芳洲
一生清意無人識
獨向斜陽歎白頭

題鷺

明 徐溥

杜若花香水滿洲
柳風輕颺頂絲柔
從來嬾逐鸕鴻侶
萬里滄江狎野鷗

柳鷺

為尹嗣昭題

明 彭華

柳絲不動江流緩
雙鷺飛來秋日晚
平沙漠漠點寒煙

亂石離離立蒼蘚靜隨玉頂聽湍瀨飢引銀鈎啄清淺
霜衣雪襟誰匹儔逸態閒情自幽遠君不見燕銜泥朝
來暮去傍人樓又不見鶯亂啼間闌宛轉無休時豈如
此鳥獨凝寂不與衆禽上下相追隨周公稱大聖振鷺
載頌詩君子斂德容雅與物色宜尹侯家住大江西脩
然自負冰霜姿潔白豈不與之齊為愛畫師林良者贈
侯此畫真瀟灑堂上試令拂拭看彷彿清風白露寒

三鷺圖

明倪岳

新荷織風翠如剪
屬玉孤鳴水波卷
何時舊侶雙飛來
並逐滄浪弄清淺
羽雪經春猶未消
頂絲颺日輕飄飄
窺魚來往思無限
高潔不受漁人招
君不見畫圖彷彿
差相擬千古長憐魯文子

林良鷺鷥圖

明
吳寬

風吹碧蘆灣
蘆葉何飄蕭
幽禽止其下
愛此波迢迢
意態殊容與
羽翮仍逍遙
飲啄既得所
有食誰能招
附人慙鷹隼
巢林笑鴈鷗
何彼白頭鳥
向我聲嘒嘒
陋哉里

巷語此意奚足描功名及成遂祿位期侈驕白日不迴
駕冥行到中宵馮車一引首始知路非遥鄙夫復眷戀
顧乃歎無聊誰為去此鳥勿使污輕綃

題畫鷺鷥

明
何孟春

秋水為神玉骨清此雛元不姓徐卿素衣肯受緇塵浣
常在滄浪伴濯纓

題蓮塘雙鷺圖

明
羅泰

倦倚春雲錦繡明應憐鳬渚曉光清縞衣雪映荷花淨

絲頂風微柳絮輕雲水乍看疑鶴伴江湖久別負鷗盟
會看飛上層霄去好共鵷鷺遂隊行

九鷺圖

為梁尚
德題

明
李堅

柳陰正長夏蓮渚搖紅翻羣鷺來箇箇褰褰集其間飛
鳴間宿食暫爾恣所安會當乘天風直上青雲端君子
有九思聖訓炳如丹咄此畫工意比德良可觀

九鷺圖

為火生
坤題

明
廖道南

人有恒言九龍躩踞奮瀛海文符乾象昭神采九鳳影

翩起扶桑聲諧律呂翔朝陽獨不見九鷺羣聚飛且鳴
江空野闊圍沙明戢羽鳬汀照晴色揚翹鵠渚蜚秋聲
我聞仲尼垂至訓九思克懋賢希聖正學源開自古傳
英才茂起於茲盛佳哉意匠餘輝光鴻達高舉雲衢長
姬離曾獻振振頌靈沼仍歌翬翬章思之思之思過半九
天九地人文煥乾龍利見鳳儀廷萬古圖書炳星漢

常州守趙麗卿索題鷺洲圖

明 廖道南

鷺洲渺鯨島遙在水雲鄉江闊明沙塢天空浮石梁鷺

班曾並列鳳侶更同翔佇望三山外煙霄萬里長

應制題宣廟御筆汀鷺


明 于慎行

筆端成大造海鳥若相忘暮雨汀沙濕春風岸芷香柳
邊迷落絮雲裏帶飛霜總為經天藻長留羽翰光

題畫鷓鴣

明 何孟春

一種胎生不作仙却名烏鬼趁漁船江頭斜日腥風起
多小成羣晒翅眠



御定歷代題畫詩類卷九十六

欽定四庫全書

集部

御定歷代題畫詩類卷

九十七至一百

詳校官刑部侍郎_臣李封

主事銜_臣徐以坤覆勘

總校官降調編修_臣倉聖脉

校對官中書_臣高中

謄錄監生_臣吳祖年

欽定四庫全書

御定歷代題畫詩類卷九十七目錄

禽類

次韻李端叔謝送牛戩鴛鴦竹石圖

宋蘇軾

鴛鴦扇頭

元元好問

雙鴛圖

元虞集

題宋徽宗雙鴛圖

明汪廣洋

為人題鴛鴦

明陳焯

題馬賁畫鸛鵒圖

金完懷英

樂士宣鸛鵒圖

元王惲

徽宗鸛鵒

元袁楠

秋水鸛鵒圖

明朱諫

題劉將軍鵞

宋黃庭堅

僧惠崇柳岼遊鵞圖

元劉因

題趙仲遠所藏趙大年鵞鴨圖

元程鉅夫

滕昌祐懷香睡鴨圖

元虞集

趙大年鶯圖

元楊維禎

秋塘戲鶯圖

元成廷圭

題宋王晉卿畫鶯

明程敏政

畫鶯

明李日華

睡鳧圖

元陳鉅夫

題野鳧圖

元于立

趙子昂陳仲美合作水鳧小景

元仇遠

為人題鳧

明陳焯

題秋塘野鷺圖

明徐溥

畫小鴨

宋黃庭堅

題畫睡鴨

宋黃庭堅

畫鴨

宋晁補之

盧申之正字得春郊牧養圖二本

宋戴復古

潁皋楚山堂秋景兩圖絕妙

宋僧德洪

劉鄧州家聚鴨圖

元元好問

題畫柳塘野鴨

元虞集

畫鴨 元揭傒斯

題畫秋溪雙鴨 明張鳳翼

題鵲鵲圖 宋韓駒

題秋塘鵲鵲 明林環

日馴弟鵲鵲扇頭 明莫止

鵲鵲圖 明陳綱

題翠禽畫 元龔璘

畫翠 明周用

魚虎子圖 明僧元璜

燕子圖 金趙秉文三首

燕子圖 金楊之美

燕子圖 金張巨濟

燕子圖 金王大用

燕子圖 金李欽叔

題蒲塘雙燕圖 元成廷珪

燕圖 明高啓

題長牧溪五燕圖

明宋濂

柳塘春燕圖

明楊基

題宋徽宗雙燕

明周矩

畫燕

明何孟春

題畫燕

明王世貞

白燕詩題畫

明王世懋

畫黃鶯

明謝鐸

畫鶯

明何孟春

題王若水戴勝

元陶宗儀二首

題畫戴勝

元華幼武

題畫白頭雙鳥

元貢性之

雪竹白頭翁橫披

元宋瑩二首

題畫白頭公

明張以寧

白頭翁圖

明解縉

白頭翁畫

明李東陽

竹上白頭

明謝承舉

白頭公圖

明沈周

題文太史歲寒雙白頭

明張鳳翼

談思重為吳翁晉畫枯木白頭翁

明王世貞

題十二紅卷子

元楊載

十二紅圖

明楊基

為林學士題十二紅圖

明丘濬

題白畫眉圖

元陳旅

竹枝畫眉圖

明葉盛

題南宮子蠟嘴圖

元薩都拉

題白鷗圖

明金幼孜

題畫白鷗

明何孟春

題相思鳥圖

明謝承舉

題廖克讓所藏喜酸圖啄木畫

元程鉅夫

題畫啄木

明何孟春

畫啄木

明王世貞

題畫百舌

明王世貞

題畫子規

明王世貞

畫杜鵑

明何孟春

御定歷代題畫詩類卷九十七目錄

欽定四庫全書

御定歷代題畫詩類卷九十七

禽類

次韻李端叔謝送牛戩駕鵞竹石圖

宋
蘇軾

聞君談西戎廢食忘早晚王師本不陳賊壘何足剋守
邊在得士此語要而簡知君論將口似我識畫眼笑指
塵壁間此是老牛戩平生師衛玠非意常理遣訴君定

何人未用朝市顯置之勿復道世俗固多舛歸去亦何
須單車度穀蠅如蟲得羽化已脫安用繭家書空萬軸
涼暴困舒卷念當埽長物閑息默自煖此畫聊付君幽
處得小展新詩勿縱筆羣吠驚邑犬時來未可知妙斲
待輪扁

鴛鴦扇頭

元
元好問

雙宿雙飛不自由人間無物比風流若教解語終須問
有底愁來也白頭

雙鴛圖

元虞集

戢翼石梁陰秋風日夜深使君莫行野江水蕩人心

題宋徽宗雙鴛圖

明汪廣洋

蘆葉青青水滿塘文鴛晴卧落花香不因羌管驚飛去

三十六宮春夢長

為人題鴛鴦

明陳焯

江皋草已長微颺吹綠漪物情本自適偏入少陵詩

題馬賁畫鸚鵡圖

金党懷英

雙眠雙浴水平溪共看秋光卧兩堤誰信瀟湘有孤鴈
冷沙寒葦不成棲

樂士宣鵲鵲圖

宣和
畫工

元王惲

彩羽暈明照影閒蓼汀沙暖睡初殘擊揚寄謝霜空鵲
輸與江湖百頃寬

徽宗鵲鵲

元表桷

太液池清皺碧羅兩禽相對盪春波當年肯憶閭中令
舐筆和鉛恨未磨

秋水瀟瀟圖

明朱諫

古石斑斑簇紋蘚樹葉蒼蒼著秋淺瀟瀟浮浮水氣涼
桂花散落天香遠年華易謝秋易殘傷心不獨凋朱顏
宋玉如今已塵土空有辭賦留人間秋鳥向人鳴秋花
促人老商聲下林端金風剪芳草杜陵詩興知若何愁
緒如絲亂懷抱

題劉將軍鵞

宋黃庭堅

箭羽不需春水籀文時印平沙想見山陰書罷舉羣驅

向王家

僧惠崇柳岬游鶯圖

元 劉 因

河堤煙草柳陰勻
野鴈羣游意自馴
此是吾鄉舊風景
畫中相見亦情親

題趙仲遠所藏趙大年鶯鴨圖

元 程 鉅 夫

鶯鴨池邊畫作闌
輸他鳬鴈意幽閒
王孫下筆厭羈束
移在長汀短渚間

滕昌祐懷香睡鶯圖

元 虞 集

蒼鶯惜毛羽宛宛卧春雨雨餘日照沙上有蘂香花蘂
香不自獻夢到金鑾殿殿池多躍魚君王方草書

趙大年鶯圖

元 楊維禎

鏡湖湖上春波明灣碕樹樹鶯黃青上有金衣弄簧舌
下有紅掌浮繡翎春鋤一白能自好尚嫌性帶鷓鴣腥
眼明見此羣鷓鴣不與匹鳥爭春晴大年筆法如蘭亭
宛頸箇箇由天成艮宮流落二百載胡賈不厭千金爭
却恨會稽內史無此筆為人辛苦書黃庭

秋塘戲鶯圖

元 成廷珪

滿塘秋水看蒼鶯，草軟沙平奈爾何。
記得一羣黃似酒，杏花梁上落紅多。

題宋王晉卿畫鶯

明 程敏政

獵獵風吹蘆葉黃，白鶯如雪點江鄉。
鉤簾素壁看摹本，想見當時寶繪堂。

畫鶯

明 李日華

塢釀村邊水草涯，撥波紅掌照晴霞。
書經換得非無意，

迴頸應知妙劃沙

睡覺圖

元程鉅夫

紅蓼不禁霜
雙鳬夢正長
世人那得似
江海永相忘

題野鳬卷

元于立

池上軒牕並水開
鑑湖狂客酒船回
鵝鵲鷗鷺瀟知人意
也為春暉日日來

趙子昂陳仲美合作水鳬小景

元仇遠

良工苦思可心降
底事文禽不解雙
欲采芳華波浪闊

芙蓉朵朵隔秋江

為人題鳬

明陳焯

古楊葉如繪下拂清波淺珍禽絃羽毛采采春風染

題秋塘野鶩圖

明徐溥

晉人愛書學野鶩庾家諸郎真不俗迢迢清晝圖畫開
此鳥依然在人目良工手握五色毫寫出江南秋一幅
羽毛絢目殊分明蜀錦新裁仍細簇荷花似避顏色鮮
搖落紅衣動盈掬將身不入樊籠中長年占斷澄江曲

畫小鴨

宋 黃庭堅

小鴨看從筆下生，幻法生機全得妙。
自知力小畏滄波，睡起晴沙依晚照。

題畫睡鴨

宋 黃庭堅

山雞照影空自愛，孤鸞舞鏡不作雙。
天下真成長會合，兩見相倚睡秋江。

畫鴨

宋 晁補之

急風吹雪滿汀洲，迎臘淮南憶倦游。
小鴨枯荷野艇冷，

去年今日凍高郵

盧申之正字得春郊牧養圖二本

有樓攻媿先生題詩且徵予作

宋戴復古

竹弓鳴鴈鴨驚飛來別浦無人境
春風不搖楊柳影長
頸紛紛占作家半遊波面半眠沙
或行或立或如舞或
隻或雙或羣聚飲啄浮沉多態度
物情閒暇世忘機分
明一片太古時巧偽不作民熙熙

頽皋楚山堂秋景兩圖絕妙

宋僧德洪

溪邊兩鴨自夫婦生而能言似相語婦先浮波喜轉顧
夫欲隨之竟先去水際青蘋各占叢風撼荷花已褪紅
不見清香雲錦段空餘霜葉伴枯篷

劉鄧州家聚鴨圖

元 元好問

沙浦空明洲景微枯荷折葦澹相依若為化作江鷗去
拍拍隨君帖水飛

題畫柳塘野鴨

元 虞集

江南水退秋光淺風柳參差萬絲捲鴛鴦在梁兒在渚

蕩蕩扁舟去家遠千艘轉海古長策白粲連江動秋色
斷蒲折葦野水闊爛爛明星且將弋翠盤擎露夜深寒
玉色亭亭落月殘太液池頭黃鵠下夢中曾見畫中看

畫鴨

元揭傒斯

春草細還生春雛養漸成茸茸毛色起應解自呼名

題畫秋溪雙鴨

明張鳳翼

秋水芙蓉老秋林霜葉紅雙鳬見溪上宿無意慕春風

題鵲鵲圖

宋韓駒

有弟留南楚經年不寄書天涯數行淚獨對鵲鴒圖

題秋塘鵲鴒

明林環

落日秋水寒霜空荷葉乾飛鳴不相離雙棲綠池間照影弄顏色有如競華鮮在原懷遠意因之發長歎

日馴弟鵲鴒扇頭

明莫止

幽禽相逐上枯荷原上秋光大半過對畫定因難棄此白頭兄弟也無多

鵲鴒圖

明陳綱

露冷蓮塘水葉枯
秋風枝上鵲鴿孤
急難弟兄多分散
水落沙寒日又晡

題翠禽畫

元 龔 璠

一曲寒塘漾夕暉
珍禽照影惜毛衣
非魚也自知魚樂
不肯花前掠水飛

畫翠

明 周 用

纖鱗不盈寸一飽尚有餘
寧知舉漏網失却吞舟魚

魚虎子圖

明 僧元璞

翠羽畫殊絕，窺魚秋水深。
忽來知險意，靜立見機心。
沙白霜初落，溪寒日易陰。
何當隨啄木，除蝨向高林。

燕子圖

三首

金趙秉文

一別天涯十見春，重來白髮一番新。
心知話盡春愁處，相對依依如故人。

祝爾區區萬里身，錦書回寄莫辭頻。
而今塞北看雙翼，多少中原失意人。

交情消息兩何如，滿眼兵戈不勝書。
為問南來新燕子，

銜泥曾復到吾廬

燕子圖

金楊之美

危巢客舍久相依常記西風社日歸
海國傳心千驛隔塞垣回首十年非
新詩尚在人空老舊夢無憑鳥自飛
寄語齊諧休志怪沙鷗相款解忘機

燕子圖

金張巨濟

沙塞相逢命已輕翠堂重見眼增明
小詩繫足初無意巧語迎人獨有情
陰德自招黃雀報機心能致白鷗盟

社前秋後風光好須賀他年大厦成

燕子圖

金王大用

相別相尋積歲年人心不及鳥心堅填償恩義三生債
分付平安七字篇王謝烏兜疑誕妄紹蘭紅線定虛傳
何如此段人親見舊話從今不值錢

燕子圖

金李欽叔

塞上光風已十霜仁心覆護獨難忘當時相送詩仍在
此日重來話更長客舍花開新信息雲兜香冷舊昏黃

主人得報君知否千古珠璣在錦囊

題蒲塘雙燕圖

為劉小齋作

元成廷珪

昭陽池館春風微花落巢空去未歸却是蒲塘春水濶
年年還傍小齋飛

燕圖

明高啓

柳上銜蟲立春風似有情和枝欲裊裊方覺爾身輕

題長牧溪五燕圖

明宋濂

誰描乳燕落晴空筆底能迴造化功髣髴謝家池上見

柳絲煙煖水溶溶

柳塘春燕圖

明楊基

花落燕飛高春風在柳梢玉樓皆繡幙高處莫安巢

題宋徽宗雙燕

明周矩

江南簾幕重重雨艮岳湖山處處花兩地舊巢傾覆盡
西風萬里入誰家

畫燕

明何孟春

社雨和泥貼畫梁泥乾猶帶百花香今年巢北常年闊

合向誰家產鳳凰

題畫燕

明 王世貞

曾逐東風入紫微
晚拋江海滯烏衣
空誇萬里封侯額
還傍人家門戶飛

白燕詩題畫

明 王世懋

翩翩白燕送殊祥
曾自君家入尚方
蝶粉逢時瑤作圃
芹香棲處玉為堂
銜將落蕊明珠碎
舞向飛花縞帶長
王謝門風誰畫得
可知觸目是琳琅

畫黃鶯

明謝鐸

柳花如雪滿春城始聽東風第一聲
夢裏江南舊時路隔溪煙雨未分明

畫鶯

明何孟春

誰將鼓吹借行春老去詩腸不恨貧
一曲試從花外聽又知幽谷有佳人

題王若水戴勝二首

元陶宗儀

桑樹柔條葉已空晚來獨立語東風
纖絳自是閨房事

喜得頻催早獻功

片片疎翎列頂旗
娟娟文羽攬春輝
邊庭大將能如汝
獻捷封侯戴勝歸

題畫戴勝

元華幼武

山鳥隔花鳴桑麻日長成
如何荆棘上寂寞不聞聲

題畫白頭雙鳥

元貢性之

笑殺錦鴛鴦浮沉浴大江
不如枝上鳥頭白也成雙

雪竹白頭翁橫披 二首

元宋 璫

琅玕裊裊碧雲空
雪綴斜梢倚北風
丹鳳不來年歲晚
一枝聊借白頭翁

蒼衣雪頸凍難飛
寂寞寒梢獨自棲
別有春明好風景
綠楊如畫亂鶯啼

題畫白頭公

明張以寧

日暖花開海上洲
飛來青鳥話閒愁
三生莫為多情煞
惹得春風白了頭

白頭翁圖

明解縉

倦飛甘白首竹實正穰穰不敢先嘗食睥睨待鳳凰

白頭翁畫

明
李東陽

莫道春風好春風易白頭君看花裏鳥亦有世間愁

竹上白頭畫

明
謝承舉

碧霄雲路幾升沉楚楚毛衣太古音自笑白頭無伎倆
堅持一節老山林

白頭公圖

明
沈周

十日紅簾不上鉤雨聲滴碎管絃樓梨花將老春將去

愁白雙禽一夜頭

題文太史歲寒雙白頭

明
張鳳翼

崔堯古幹宿雙禽冰雪偏堅歲暮心
借使臨邛逢卓氏
不須遺恨白頭吟

談思重為吳翁晉畫枯木白頭翁因題一絕

明
王世貞

可憐白頭翁振羽一枯木
莫訴春風飢蚤晚櫻桃熟

題十二紅卷子

元
楊載

碧桃枝上有珍禽調舌交交聽好音畫出江南春意思
明年攜酒共追尋

十二紅圖

明
楊基

何處飛來十二紅萬年枝上立東風楚王宮殿皆零落
說盡春愁暮雨中

為林學士題十二紅圖

明
丘濬

丹杏香邊翠竹中幽禽兩兩立東風不知毛羽紅多少
却得人呼十二紅

題白畫眉圖

元 陳旅

隋家宮奴婦長蛾銷盡波斯百斛螺化作雪禽春樹頂
遠山無數奈愁何

竹枝畫眉圖

明 葉盛

禪房瀟灑一塵無粉墨何人著此圖我與頻伽是知己
春禽那用竹間呼

題南宮子蠟嘴圖

元 薩都拉

南宮山人何俊奇小窓睡起涼雲飛野棠秋早霜子熟

枯木葉高蠟嘴肥滿身縹縹甘爾口政猶癡心落人手
五陵年少知爾名一飽無人早迴首

題白鷗圖

明 金幼孜

素質玄文錦翼齊絳桃花下見雙棲可堪野鶴同標格
難與山雞共品題

題畫白鷗

明 何孟春

雙壁誰將置兩雛羽毛渾是雪花鋪儂家命服裁宮錦
十五年前作大夫

題相思鳥圖

明
謝承舉

俱飛並逐綺園春
互語相思字字真
啼到苦心聲莫放
綠牕驚起病春人

題廖克讓所藏喜酸圖啄木畫卷

二首

元
程鉅夫

奮天從蚋集駢首欲何為
儻使真知味應無浪皺眉
山禽啄木響野客抱琴看
我有芳春調無人為一彈

題畫啄木

明
何孟春

求蠹林間日幾回
喙長三尺怒如雷
漢家有蠹君知否
司隸當年破柱來

畫啄木

明
王世貞

空林長日自敲訇
一掃千章蠹盡清
聞道柏臺烏更好
不知何事但吞聲

題畫百舌

明
王世貞

千迴睨睨復嚶嚶
不向東風自一鳴
何似儂家卑脚鳥
此生長技只呼名

題畫子規

明 王世貞

絡緯喚織朝從暮布穀催耕雨復晴
汝道不如歸去好
可將耕織了平生

畫杜鵑

明 何孟春

春來口血有新盟
歸去無如是力耕
不識今誰勸農使
幾人阡陌解循行

御定歷代題畫詩類卷九十七

欽定四庫全書

御定歷代題畫詩類卷九十八目錄

禽類

枯木寒鴉

元王惲二首

李成寒鴉圖

元仇遠

為汪華玉題所藏長江萬鴉圖

元虞集

題李安忠畫雪岫寒鴉圖

元馬臻

惠宗古木寒鴉

元楊載

題李尚文少府所藏枯柳寒鴉圖 元郭鈺

題孤鴉圖 明解縉

李成寒鴉圖 明陳遘

林良寒鴉圖 明李東陽

寒鴉圖 明黎民表

畫鴉 明沈周

題文太史畫鳥 明張鳳翼

畫鳥 明文徵明

畫鳥

明何孟春

黃荃鵲雛

宋文同

臣桌以御畫鵲示臣某謹再拜稽首賦詩

宋韓駒

二首

題李甲鵲

宋晁補之

唐希雅雪鵲

宋陸游

題鵲

明陶安

題蔡揮使所藏林良雙鵲

明程敏政

羣鵲圖

明章懋

題武氏畫鵲

明陸仲

題畫鵲

明王世貞

題畫鵲

明顧清

畫鵲

明文徵明

畫鵲

明何孟春

題徽宗山鵲圖

明僧宗泐

戲詠于舟畫兩鵲鵲

宋蘇軾

鸚鵡圖

元 鄭韶

題鸚鵡

明 黃仲昭

宋徽宗 瀟湘鸚鵡圖

明 呂淵

王修謨 鸚鵡圖

明 張寧

題畫鸚鵡

明 何孟春

贈晏潤畫鵝

宋 王佐才

題宣和御畫鵝鵝

元 柳貫

題畫鵝

元 唐肅

題畫鷓鴣

明王偁

題扇面鷓鴣

明林景清

題李後主畫鷓鴣

明石琚

題竹下鷓鴣

明陳憲章

應制題鷓鴣

明于慎行

邊文進畫山鷓鴣為遼陽邵令題

明吳寬

題畫鷓鴣

明何孟春

題八哥

明王世貞

畫鴿 明劉珣

王若水綠衣使圖 元楊維禎

題鸚鵡 明王佐

題鸚鵡 明何孟春

畫鳩 明邵寶

畫鳩 明何孟春

題鳴鳩拂羽圖 明胡儼

張子正春雨鳴鳩圖 明朱武

吳橋張知縣瑞鳩圖

明程敏政

題白翎雀手卷

元曹文晦二首

白翎雀圖

明徐賁

題畫白翎雀

明王偁

戲題小雀捕飛蟲畫扇

宋黃庭堅

題畫雪雀

宋韓駒二首

題王居冢雀竹圖

宋范成大二首

黃荃雀蝶

金朱瀾

畫扇雀竹

元虞集

題黃荃竹雀圖

元陳旅

題寒雀圖

元吳澄

題林禽山雀圖

明解縉

春鵝捕雀圖

明楊基

竹間凍雀圖

明程敏政

題黃雀

明何孟春

百雀圖

明方孝孺

題百雀圖

明汪應軫

題畫枝上小雀

明王世貞

題上林寒雀圖

明廖道南

題寒雀

明唐寅

御定歷代題畫詩類卷九十八目錄

欽定四庫全書

御定歷代題畫詩類卷九十八

禽類

枯木寒鴉 二首

元 王 惲

枯樹寒梢凍欲冰
野鴉翻影若為情
錦鴝呼雨煙林外
紅杏香中過一生

亂鴉翻影上枯枝
點綴荒寒見野祠
絕似首陽山下路
滿陂晴雪祭餘時

李成寒鴉圖

元 仇 遠

老樹枯苔雪乍晴
飢鳥飛集噤無聲
蒺藜沙上花開早
且讓春風與燕鶯

為汪華玉題所藏長江萬鴉圖

元 虞 集

雲巢幽人愛江渚
抽思揮毫寫橫素
波瀾不驚潦水盡
秋氣晶明絕煙霧
征帆去棹不相襲
岬曲洲旋總堪賦
孤村城市僅如蟻
百丈牽江直如縷
蕭蕭木葉洞庭波
歷歷晴川漢陽樹
蒹葭宿鴈天欲霜
叢葦寒鴉日云暮

就中樓觀何王宮想見華年貯歌舞丹青倒景駭靈怪
粉黛含情怨幽阻青春遊子憺忘歸白日冷風帳中語
人間遺迹何足留最惜精思隨塵土郭熙平遠無散地
小米蒼茫託天趣銛鋒鏗戟不破墨刻畫晶熒昔誰苦
渤海細書藝文草精絕戈波絕回互南唐後主萬鴉圖點
點晨光動毛羽昔年曾見今日昏雖復逢之亦難覩汪
侯此卷出故家相示摩挲極愁予香奩犀軸見者稀漫
錄餘情示來者

題李安忠畫雪岬寒鴉圖

元馬臻

北風萬里吹石裂古樹槎枒摧朽鐵羣鳥啞啞如苦飢
倦飛還向空林歇孤村荒寒得食遠日暮沙邊啄殘雪
回情訴意各有態羨殺畫師心更切我嘗記得天隨詩
至今讀之長激越婦女衣襟便佞舌始得金籠日提挈
老鳥老鳥爾身毛羽黑離離况復人間厭爾啼何不飛
鳴丈人屋丈人屋頭春柳綠

惠崇古木寒鴉

元楊載

江上秋雲薄寒鴉散亂飛未明常競噪向晚復爭歸似
怯霜威重仍嫌樹影稀老僧修止觀寫物固精微

題李尚文少府所藏枯柳寒鴉圖

元

郭鈺

江邊獨柳飛羣鴉敗枝殘葉秋風斜石泉可飲不可啄
似聞落日鳴啞啞一段淒涼幽思足忽遇看花過韋曲
上林春早聽啼鴉太液波晴寫黃鵠

題孤鴉圖

明
解縉

栖遲顧影自堪憐肯逐羣飛噪野田海色曛曠朝雨歇

又隨紅日上青天

李成寒鴉圖

明
陳 達

雪後寒林玉壓枝雞鳴翔集不成飛
世間多少無知物
不似羣鳥預識機

林良寒鴉圖

明
李東陽

萬里長空倦羽翰
野風殘雪歲將闌
紛紛燕雀高飛盡
獨宿空林一夜寒

寒鴉圖

明
黎民表

寒山寂歷野蒼蒼
繞樹驚飛不斷行
畫角一聲天欲曙
金河翻落滿城霜

畫鴉

明 沈 周

小人本無狀
老子試塗鴉
此意詩三百
非惟善可誇

題文太史畫烏

明 張鳳翼

賀監風流老鑑湖
殘山猶有夜啼烏
裝潢一入南宮舫
應作滄溟照乘珠

畫烏

明 文徵明

城頭霜落月離離
西樹羣鳥欲定時
會有人占丈人屋
微風莫自裊空枝

畫鳥

明
何孟春

叢桂堂前好樹枝
擇棲茲地最相宜
家人慈孝由天性
八九皆為反哺兒

黃荃鵲雛

宋
文同

短羽已褫褌
弱脰方劣岌
母也向何處
開口猶仰食

臣桌以御畫鵲示臣某謹再拜稽首賦詩

二首

宋 韓 駒

君王妙畫出神機
弱翅爭巢並語時
想見春風鳩鵲觀
一雙飛占萬年枝

舍人簪筆上蓬山
輦路春風從駕還
天上飛來兩鳥鵲
為傳喜信到人間

題李甲鵲

宋 晁補之

上林花妥逐鶯飛
愁絕江南雪裏時
嗟惜何須旁檐喜
毳毼相對兩寒枝

唐希雅雪鵲

宋陸游

烈風大雪吞江湖巨木摧折竹葦枯烏鳶瑟縮墮地死
豈復能顧卵與雛棘枝拔出亂石罅凜凜生氣獨有餘
耐寒兩鵲亦異稟羽族有此山澤臞神凝氣勁中有足
不待晴日相鳴呼深知畫手亦怪偉用意直刮造化爐
毳毛雖細爪翮健落筆豈獨今所無我評此畫如奇書
顏筋柳骨追歐虞

題鵲

明陶安

仙信遙傳入綵樓橋成天女渡河流不緣報喜人爭聽
金印嘗將拜列侯

題蔡揮使所藏林良雙鵲

明程敏政

老木長梢半空起影落君家素屏裏枝間雙鵲不飛去
似向高堂報君喜涼風曉入庭戶清主人坐對宛有情
眼前豈獨惜珍羽耳畔忽疑聞好聲亦有娟娟白頭鳥
相顧徘徊若相保廣東畫史深可人生態無窮意難了
主人堂堂真壯夫喜愛文士相追呼征蠻不帶嶺南物

衣衾之外惟此圖堂下有兒堂上母客至矜圖飲醇酒
呀然一笑共平生崔白邊鸞竟何有鵲兮鵲兮不可求
願君身共張梁州不須椎石取金印看爾生封忠孝侯

羣鵲圖

明
章懋

噪樓曾報黎囚喜集棘應占太史祥脩竹寒梅無外事
若為羣語對荒涼

題武氏畫鵲

明
陸伸

聞道清時有竇申榮途送喜故能頻如何只在蕭牆外

不遇雕陵挾彈人

題畫圖

明
王世貞

早過長信報平安
晚向昭陽効合歡
天上只誇頻送喜
不知雙翅落金丸

題畫鵲

明
顧清

朝陽欲上萬年枝
九色光芒射紺衣
昨夜銀河濟靈駕
露華寒濕未禁飛

畫鵲

明
文徵明

日光浮喜動簷楹鳥鵲於人亦有情
小雨初收風潑潑亂飛叢竹送歡聲

畫鵲

明何孟春

喳喳聲裏衆皆聞喜事誰能與衆分
此日吾皇在關外一時歸凱賀三軍

題徽宗山鵲圖

明僧宗泐

落日黃塵五國城中原回首幾含情
已無過鴈傳家信獨有松枝喜鵲鳴

戲詠子舟畫兩鸚鵡

宋 蘇軾

風晴日暖搖雙竹竹間對語雙鸚鵡鸚鵡之肉不可食
人生不才果為福子舟之筆利如錐千變萬化皆天機
未知筆下鸚鵡語何似夢中蝴蝶飛

鸚鵡圖

元 鄭韶

東風吹柳日沈沈階下宜男綠正深百尺游絲春院靜
卧看鸚鵡步花陰

題鸚鵡

明 黃仲昭

幽禽何處來飛向琅玕樹金眸爍晴曦鮮羽濯朝露春
風紫禁中奇音數聲度鸚鵡噤無言花間屢驚顧

題宋徽宗瀟湘鸚鵡圖

明

呂淵

御墨淋漓玉數枝畫圖瀟灑使人悲春風鸚鵡湘江景
不似龍沙夜雪時

王修謨鸚鵡圖

明

張寧

不用高飛遂去蓬鳴鳩乳燕自相從日斜庭院春聲歇
一樹櫻桃細雨中

題畫鸚鵡

明何孟春

牛背偷騎出遠村
蒲觴飲罷學人言
山中舊侶應相笑
有舌如何不自捫

贈曇潤畫鶻

宋王佐才

飲啄飛鳴各後先
當時操筆想中傳
生來野態無拘束
萬里秋風自在天

題宣和御畫鶻鶻

元柳貫

瓊蘭宴幸撫摹成
粉墨區區寫物精
天上移來鶻首次

人間留得紇干名

題畫鵝

元唐肅

竹葉青青蘆葉黃雙鵝短羽能文章
秋田滯穗足飢腸低飛淺啄自倘佯
不知有物名鳳凰一翔千仞下朝陽
嗚嗚嗒嗒世虞唐

題畫鵝

明王偁

原草飄殘作雪絲日斜馬上鬬歸時
五陵別後傷心事零落涼州笛裏吹

題扇面鵲

明 林景清

秋入郊原粟正肥
山禽成隊啄斜暉
爭雄莫向雕籠鬪
零落西風百結衣

題李後主畫鵲

明 石珪

翠袖成團紫殿深
曾看一勝抵千金
如何解甲臨城日
不及山禽有鬪心

題竹下鵲

明 陳憲章

小草橫其前
旋行每相避
謁來脩竹間
雙蝶同游戲

應制題鵲鵲

明
于慎行

渺彼榆枋翼丹青畫作真靜眠宮草日間傍苑花春顧
影驕金距逢場上錦茵非同珠樹鳥獨用羽毛珍

邊文進畫山鷓鴣為遼陽邵令題

明
吳寬

黃荃趙昌絕代無邊卿好手皆可摹鸞坡日轉供奉暇
餘墨寫成山鷓鴣鷓鴣只識山中路畫史強之入毫素
遼陽有客自高飛不信韓翁感為賦

題畫鷓鴣

明
何孟春

出門西笑足能輕九十前頭百里程休道老人行不得
路當行處也須行

題八哥

明
王世貞

偶聽春聲牆外枝雕籠惆悵立多時分明細語傳鸚鵡
總為聰明欲怨誰

畫鴿

明
劉珥

晝漏沈沈下高閣簷簷半畝香雲合太湖石畔水澄澄
滿貯金盆浴飛鴿鴿性由來最易馴羽毛鮮好堪怡人

雪翎烏尾錦作背畫工畫此何太真記得當時王相會
一放一祝三千歲繫足能傳子壽書入懷那解司徒貴
一朝賈客便生涯盤旋隨上滄溟槎任教年來復年去
萬里還歸舊主家

王若水綠衣使圖

元楊維禎

綠衣翠頂珠冠纓西來萬里隴山青金雞一鳴天下白
此鳥一鳴天下平金精稟氣清傲直言語分明藏不得
宮中未聞家國事共愛聰明好顏色殿中袞衣誰小戲

宮中錦裯搖虎翅
阜鵬御史不彈邪
拜賜君王綠衣使

題鸚鵡

明王佐

為禽禽語是禽言
何必聲聲學語論
莫道性靈多巧舌
金籠深鎖度黃昏

題鸚鵡

明何孟春

去陳誇俗費精神
識字應無快活人
飛鳥何須巧言語
金籠不得自由身

畫鳩

明邵寶

鵲巢何處樹深深
葦有新叢水有潄
乍雨忽晴天未定
恐將消息誤知音

畫鳩

明 何孟春

明日陰晴未易明
晴呼雨逐作麼聲
平生不暫輕離別
却是鴛鴦最有情

題鳴鳩拂羽圖

明 胡儼

日暖風暄淚竹斑
鳴鳩拂羽樹林間
眼中正是春光好
喚雨呼晴莫等閒

張子正春雨鳴鳩圖

明 朱 武

東風簾卷小紅樓三月梨花喚錦鳩
曾記玉人將鳳管
隔花低按小梁州

吳橋張知縣瑞鳩圖

明 程敏政

男耕女蠶民訟少曉起官衙見青草
春風播穀一兩聲
何處飛來鵲鳩鳥口銜枯枝入簷楹
朝經暮營如有情
梁間作巢避風雨吏人往來還不驚
吳橋城外多桑柳
不肯棲身向林莽但欲依依傍使君
德政嘉符世希有

君不見野雉馴中年之令終東鈞和氣從來多感召會看
旌異下楓宸

題白翎雀手卷

二首

元
曹文晦

勅勒川寒風怒號白翎點點入黃蒿煙塵瀕洞鷹鷂急
慎勿奮飛傷羽毛

沙苑菽盡雪霜多忍凍飢鳴奈爾何休向城中啄遺粒
冷官門外日張羅

白翎雀圖

明
徐 賁

白翎雀雪作翎羣呼旅食啁哳鳴何人翻作絃上聲傳
與江南士女聽南人聽聲未識形畫師更與圖丹青圖
丹青一何似知爾之生何處是秋高口子草如雲風勁腦
兒沙似水

題畫白翎雀

明

王偁

塞花原草度交河往日曾隨鳳輦過一自翠華消息斷
空將遺恨寄雲和

戲題小雀捕飛蟲畫扇

宋

黃庭堅

小蟲心在一啄間得失與世同輕重丹青妙處不可傳
輪扁斲輪如此用

題畫雪雀

二首

宋韓駒

寂寂黃生處士居空林急雪鳥相呼不知此子何由見
歸與先生作畫圖

只畫山禽依雪飛斯人用意復誰知肯來禁籞圖神雀
應得傳呼作畫師

題黃居家雀竹圖

二首

宋范成大

羣雀歲寒保聚兩鴉日晏忘歸草間豈無餘粒刮地風
號雪飛

蔓花露下凝碧叢竹秋來老蒼噪雀羣爭何事么禽自
轉清簧

黃荃雀蝶

金
朱 澗

飢雀喧爭蛺蝶孤錦官城闕見丘墟老荃妙意誰知解
丹粉圖中有諫書

畫扇雀竹

元
虞 集

啄粟野田莫飛鳴亦求雌誰家江上雨發船歌竹枝

題黃荃竹雀圖

元陳旅

一窗晴色綠猗猗羣雀飛來占好枝此竹幾年方結實
空山秋晚鳳雛飢

題寒雀圖

元吳澄

更無樹葉可因依有喙能鳴想與誰閉口雙棲聊自暖
怎知宿處是寒枝

題林禽山雀圖

明解縉

人間不見函封帖粉墨驚看落畫屏
山鳥飛來林雨後
蒼苔啄破子青青

春鵝捕雀圖

明
楊基

棘鍼紅尖竹裊裊一雙春禽戲春草
鸛鵒何處忽飛來
利觜如鈎破禽腦春禽引雛肌骨瘦
不穀春鵝一朝飽
一朝飽尋復飢春山鷓鴣如瓠肥
何如搏鵝飽終日留
取春禽引子飛

竹間凍雀圖

明
程敏政

凍羽飛鳴下筆難坐疑聲遠竹枝寒良工趣在芭蕉雪
莫向簫笛作意看

題黃雀

明 何孟春

世上人多妬婦情憑誰一臠代鴟羹苞苴不向當時免
顯赫猶堪萬里行

百雀圖

明 方孝孺

曲巷高簷避網羅朝來飽啄隴頭禾但令四海長豐稔
不厭人間鼠雀多

題百雀圖

明 汪應軫

百雀不如鳳胡為占琅玕朋雛碎語不可聽六月攪動
清風寒我欲挾金彈巧避千萬端徘徊恐落一枝翠矯
首待鳳棲闌干

題畫枝上小雀

明 王世貞

尺鷃棲一枝粒粟俄已飽却笑垂天鵬飢飛何時了

題上林寒雀圖

明 廖道南

上林煙景暮雙雀集瑤枝雪宿寒相對風鳴晚並宜鷯

鵲空爾寄鸚鵡漫誰知獨有梅花白含香色相奇

題寒雀

明唐寅

頭如蒜顆眼如椒雄逐雌飛向葦蕭莫趁蟾蜍失巢穴
有人拈彈不相饒

御定歷代題畫詩類卷九十八

欽定四庫全書

御定歷代題畫詩類卷九十九目錄

禽類

趙大年雪霽聚禽圖

元王惲二首

棘上雙禽圖

元陳高

棘竹三禽圖

元唐肅

疎竹三禽圖

明高啓

棘竹三禽圖

明楊基

欽定四庫全書

卷九十九目錄

王若水為余畫秋江衆禽圖

明袁凱

題王子通聚禽圖

明解縉

題冬日聚禽圖

明岳正

題枯枝寒禽畫

明唐同

聚禽圖

明李東陽

四禽圖

明李東陽八首

題衆禽圖

明林俊

春溪聚禽圖

明吳寬

楊柳雙禽圖

明趙不易

題畫四鳥

明王雲鳳四首

提刑司勲示及暝禽圖作詩詠之

宋文同

鄭先覺幽禽照水扇頭

元元好問

馬賁秋塘水禽圖

元袁桷

黃居寶湖石水禽圖

元袁桷

周增水塘秋禽圖

元袁桷

錢生幽禽圖

元范梈

題江濤白鳥圖

元李祁

題雪禽

元李祁

題王若水幽禽圖

元潘純

題畫叢竹幽禽

元陳樵

題棘禽筠石圖

元倪瓚

題趙松雪迷禽竹石圖

元仇遠

題竹根小禽圖

明劉基

雪竹山禽圖

明解縉二首

竹禽圖

明吳寬

春鳥圖歌

明劉昌

題睡鳥圖

明黃希英

題畫翎毛

元貢性之

題梧桐折枝翎毛圖

明劉基

四景翎毛

明吳希賢二首

題翎毛

明陳達

題蕭尹翎毛

明莊景

題翎毛小景

明錢宰

長安縣後庭亭看畫

唐王建

題畫

宋張耒二首

題惠崇畫

宋晁補之四首

題宣和御畫

宋王庭珪

觀李氏畫

宋王庭珪

觀德亭畫壁

宋郭祥正

戲書秋景小屏

宋僧道潛

袁顯之扇頭

元元好問

題畫

元牟獻四首

題錢舜舉畫

元黃潛

題畫

明陳憲章三首

題林良為朱都憲誠菴先生寫林塘春曉圖

明陳

憲章

御定歷代題畫詩類卷九十九目錄

欽定四庫全書

御定歷代題畫詩類卷九十九

禽類

趙大年雪霽聚禽圖

元王惲

風雪龍沙萬里行當時先兆見丹青不然紈綺豪華習
滿意荒寒落鴈汀

點綴煙林意儘妍沙洲鳬鴈見荒寒君看小景都盈尺
展放江湖萬里寬

棘上雙禽圖

元陳高

幽禽並立羽毛齊
日落風寒棘樹低
擬待洛陽春色好
牡丹枝上伴鶯啼

棘竹三禽圖

元唐肅

諸葛有三子
三國各稱雄
瑾也為虎誕
為狗亮也在漢
獨稱龍
曹劉不兩立
吳蜀不同風
丈夫致身擇
所從君
不見兩鳥棲
枳棘不若一
鳥棲竹中

疎竹三禽圖

明高啓

棘枝疎瘦竹枝低三鳥寒多每並棲月落山空秋夢斷
不知誰箇最先啼

棘竹三禽圖

明
楊基

棘刺搖搖風款款一禽驚啼兩禽宿空山日晚腹猶飢
何處藩籬有遺粟杏花春雨小樓西撫卷彷徨不忍題
願作尋常雙燕子年年飛入未央棲

王若水為余畫秋江衆禽圖

明
袁凱

錢塘王宰心思長欲與造化爭毫芒下筆百鳥相趨踰

前身豈是孤鳳凰江頭芙蓉花正開花下細浪亦縈迴
鴛鴦跼跼天際來雄雌相隨氣和諧一雙鴛鴦睡沙尾
野鳬翩翩唼菰米羣鷗爭浴故未已傾落枯荷葉中水
鵲鵲飛飛多急難睢鳩意度誠幽閒乃知良工有深意
不在丹青形似間姑蘇臺前秋氣孤五羊城下煙疎疎
此時此景真相似獨少扁舟歸釣魚宰也只今成老夫
愛我不辭為此圖我今親老無可養慎勿重添反哺鳥

題王子通聚禽圖

明解縉

水禽交交樹禽語白鴈飛鳴滿洲渚愛殺林邊鷺一拳
點破汀洲半江雨燈前展卷醉又醒誰將妙筆傳丹青
細觀物理真自得吾亦結社來郊垌

題冬日聚禽圖

明
岳正

陰風吹天天欲裂混沌怕死方愁絕潛將元氣閉重淵
化工倔強時偷泄附炎物態本尋常何怪衆禽爭向陽
紅毛翠鬣莫指數醉眼僅識雙鴛鴦聲喋不聞鸚鵡語目
遙空見鵲鴿忙白頭翬翬營棲息黃口飛飛恣頡頏高岡

梧桐結實未待爾招吾丹鳳凰

題枯枝寒禽畫

明 詹 同

王母宴歸西海上空留青鳥羽參差黃雲苦竹江南霰
獨立寒條歲晚時

聚禽圖

明 李東陽

西塘日落秋波綠兩兩鴛鴦水中浴野鳬沙鴈忽西東
落翠棲紅亂人目鳴鳩愛雨芳鵲愛晴宿者自宿行自
行惟有白鷗忘世事朝來暮去兩無情

四禽圖

四首

明

李東陽

樛枝老樹幽巖裏
山鷓雙棲掉長尾
高鳴俯搦勢不停
似向春風矜爪背
山頭錦雞金作冠
身披五采成斑斕
遠從紅日霽時見
更向碧山深處看
人言此物真絕特
同是山禽不同格
休將綠水照毛衣
祇恐桃花妬顏色
空山雨過枇杷樹
黃顆纍纍不知數
金衣公子正多情
驚墮金丸欲飛去
海榴花殘紅子新
沙上鳬鷺來往頻
每從水淺花深處
遙見隔花臨水人
山禽關關水禽語

脈脈幽期似相許莫負天晴日煖時一春江上多風雨
碧林紅葉驚飛鳥江上秋風下來早鴈去鴻辭煙水空
蒹葭落盡芙蓉老原頭鵲鴿如有知應憐歲暮得同棲
枝間戴勝聲不住應憶春園初降時山林動物各有託
野雉分明出叢薄見說豐年少網羅低飛不及高飛樂
江南山深冬日暖湖冰無漸湖水滿幽林晚徑斷人行
落盡梅花春不管山茶花發爭芳菲翠翎蠟背相光輝
煙生錦嶼寒猶戀雪滿銀塘夜未歸疎林落羽紛凌亂

回首青霄各分散溪上鴛鴦獨有情春來冬去長為伴

四禽圖

四首

明
李東陽

鸛鵒色不如鸚鵡強向筵前學人語網羅西下隴山空
毛羽雖佳不如汝鐵衣金背雙雕楹世間無處無弓繒
試聽內苑籠中語空誦彌陀六字名

珊瑚出海海見底誰掣長竿臨海水黑風驅霧見冥濛
化作禽飛向空起北人未熟南禽名嶺外方言如鳥聲
由來珍異非國寶須識君王却貢情

金堤柳色黃於酒枝上黃鸝嬌勝柳歌聲宛轉色娉婷
種種春光無不有春來何遲去何速回首紅顏憶騎竹急
須攜酒聽黃鸝莫待楊花眯人目

春山潑黛青淋漓山際春禽雙畫眉山光物色兩濃淡
苦欲問春春不知古來尤物皆成怪誰遣山禽入圖畫
西京京兆今不歸林郎為了風流債

題衆禽圖

明林俊

雲莊藏老大筆硯閱寒暑容知門外心風煙在江渚乾

坤囿萬物得氣無纖巨地幽草木深羽族良地所品局限陶型文章異機杼一雌復一雄羣飛各儔侶天寬網羅疎丹碧任容與臨流濯其毛飲啄如相語汗滴原上翁卒歲無禾黍

春溪聚禽圖

明 吳寬

春溪遠發春山中一夜好雨溪流通綠波泛漲渺無際但見桃花千樹紅鴛鴦鸕鷀何容與散亂中流錦為羽倉庚獨似避遊人去踏花枝落紅雨草深哺子芳洲晴

葉暗仍聞求友聲
展圖便有會心處
放棹欲作春溪行
玄裳縞衣彼何者
為戀高松倚平野
莫論鴻鵠志安知
名字俱標在埤雅

楊柳雙禽圖

明
趙不易

千樹垂楊繞汴堤
錦帆去後草萋萋
迷樓紅粉俱塵土
野鳥逢春空自啼

題畫四鳥

四首

明
王雲鳳

扶疎綠葉晚繽紛
似染瀟湘水上雲
何處飛來數聲鳥

月明幽客夢中聞

春堤何處綠絲垂
管領東風千萬枝
小鳥也知長愛惜
碎聲長似說芳時

東郊膏雨潤扶犁
禿樹槎牙葉正齊
何事省耕亡舊典
空勞此鳥一春啼

山禽何以喜為名
謂向人鳴喜便生
自是人間鳴便喜
民愁不是汝無聲

提刑司勳示及暝禽圖作詩詠之

宋

文同

朱華盛發穿疎竹寒枿齊枯徧野磯大雪蔽天方亂下
衆禽爭地各相依非公好事誰能得此畫如今自己稀
試待晴明挂軒壁定開羣眼一時飛

鄭先覺幽禽照水扇頭

元
元好問

臨水華枝淡淡春水光華影兩無塵風流一枕西園夢
惆悵幽禽是故人

馬賁秋塘水禽圖

元
袁 桷

古木荒陂澹澹秋禽見高下意夷猶似憐天際南飛鴈

年去年來不自由

黃居實湖石水禽圖

元 表 桷

峨嵋雲疊翠淒迷更著層峰小
殿西誰信蜀王辭劒閣
鴛鴦飛盡杜鵑啼

周增水塘秋禽圖

元 表 桷

蘆葦蕭蕭秋水清拒霜迎日闌
紅英鵲鵲屬玉休驚訝
歲晚江天得共行

錢生幽禽圖

元 范 桷

誰人剪下碧梧枝
誤落西風粉墨池
立斷小禽飛不去
朝陽何事鳳鳴遲

題江濤白鳥圖

元李祁

白鳥颺風了不驚
洪濤如雪去無聲
君看半幅滄江水
中有滔滔萬古情

題雪禽

元李祁

幽禽棲穩棘枝低
點淡江天雪四圍
明日郊原晴爛漫
好尋芳樹弄毛衣

題王若水幽禽圖

元 潘 純

花間幽鳥愛幽棲
揀得春風最好枝
只有江南王若水
白頭描寫似徐熙

題畫叢竹幽禽

元 陳 樵

露節老愈蒼
煙叢寒更碧
野鳥何處來
點破九秋色

題棘禽筠石圖

送高霞還
玄元館

元 倪 瓚

煙雨蕭蕭墨未乾
幽禽枝上語春寒
玄元館裏多筠石
飯飽臨池自在看

題趙松雪迷禽竹石圖

元仇遠

錦石傾欹玉樹荒
雪兒無語戀斜陽
百年花鳥春風夢
不是錢塘是汴梁

題竹根小禽圖

明劉基

竹露無聲墜碧柯
小禽相對啄秋莎
江湖鴈鴛肥梁稻
增繳連天雨霧多

雪竹山禽圖

二首

明解縉

雪壓簷簷翠葉低
文禽聲寂不聞啼
上林春好無情到

荆棘叢中只共棲

翠竹寒消雪未收
雙棲夢醒更何求
君王六合皆靈囿
飲啄飛翔得自由

竹禽圖

為胡君賦

明

吳寬

江南煙雨竹枝低
一箇子規枝上啼
日暮不須啼更急
行人初到秣陵西

春鳥圖歌

明

劉昌

王生手持春鳥圖
勸我試作春鳥歌
鳳凰不來碧梧老

喧啾奈此春鳥何黃鸝巧言紫燕舞名花掩冉薰天和
一雙飛起白練帶紛紛引類無空柯畫眉黃口弄妖麗
白頭何事猶奔波瑤池蟠桃實如斗春光似比人間多
青鸞無信靈鵲遠驚波杳渺生銀河天孫欲渡未可得
歲月鼎鼎成蹉跎何為一朝亦下集爭雄鼓態翻巢窠
不知帝履仁祝網反說臣尉門張羅嗚呼我歌止於此
仙人黃鶴當來過

題睡鳥圖

明
黃希英

春風媚桃李百鳥正嚶嘯爾獨高眠穩應知到白頭

題畫翎毛

元貢性之

莫怪幽禽雪滿頭多情只為海棠愁開元宮裏千株錦
一夕西風起碧秋

題梧桐折枝翎毛圖

明劉基

瓊柯碧葉兩參差又是西風白露時鳳鳥不來嘉實晚
小禽銜上最高枝

四景翎毛二首

明吳希賢

露濕湘桃色更殷
枝頭啼鳥曉風寒
數聲隱隱穿花去
惆悵傷春人倚欄

凍雀聲中梅正花
春風入夜著山茶
怪來巧鳥多情思
白雪梢頭醉絳霞

題翎毛

明陳達

千葉桃花碧映堤
幽禽斜傍一枝低
却憐春亦年年別
故向遊人著意啼

題蕭尹翎毛

元莊杲

幽鳥啼自哀
秋風竹枝怨
哀怨情豈勝
月明寒影亂

題翎毛小景

明錢宰

紅子秋樹老
黃花晚節寒
幽禽雙白頰
托爾一枝安

長安縣後庭亭看畫

唐王建

水凍橋橫雪滿池
新排石笋繞笆籬
縣門斜掩無人吏
看畫雙飛白鷺鷥

題畫
二首

宋張耒

敗蘆浸水凍灘沙
朔雪隨風亂綴花
濕翅老鴻鳴未起

暮雲山色暗天涯

蒼蒼老石守寒叢雪灑林鳩美睡中
鵲傍陳根飢更啄
雀樓高枿暝愁風

題惠崇畫

春夏秋
冬四首

宋晁補之

東風回江上渚何處來雙白鷺灼灼岸間桃依稀蘭杜
苗一銜湍瀨鱗一下青林梢瀟湘綠水春迢迢

老柳無嘉色紅蕖羞脈脈宛在水中洲雙鵝羽蒼白何
須玩引頸顛倒寫經墨惟應一臨流當暑袵絺綌

一鴈孤風乍臨渚兩鴈將飛未成舉三鴈羣行依宿莽
蘆花已倒江上風雲間分飛那可同

天高靄靄雲昏江闊霏霏雪繁渚下鴨方遠泛枝間雀
不聞喧鄙夫此志相依生涯稊稗同微欲具沙邊短艇
波濤歲晚人稀

題宗室大年畫扇

二首

宋晁補之

鸛之仍鵲之爾名今是非人言不踰濟何事滿苔磯
西風入叢竹慘澹帶秋陰驚起中泝鴈衡陽萬里心

題宣和御畫

宋 王庭珪

玉鎖宮扉三十六誰識連昌滿宮竹內苑寒梅欲放春
龍池水暖鴛鴦浴宣和殿後新雨晴兩鵲飛來向東鳴
當時妙手貌不成君王筆下春風生長安老人眼曾見
萬歲山頭翠華轉恨臣不及宣政初痛哭天涯觀畫圖

觀李氏畫

宋 王庭珪

壁間冥冥雲塞川細看幻出江湖天寒鴉雪壓凍不喧
沙尾忽有瀟湘煙黃蘆碧草鴈初下畫此千金不當價

為君覓紙一題詩詩不能工且觀畫

觀德亭畫壁

宋 郭祥正

畫手非工本亦佳四時景物寓天涯最憐荷折秋容晚
雙鴈徘徊下軟沙

戲書秋景小屏

宋 僧道潛

黃蘆敗葦兩三叢彷彿江湖在眼中鴈鴨驚呼綠底事
一時昂首立秋風

袁顯之扇頭

元 元好問

雙鷺聯拳只辦愁
枯荷折葦更窮秋
風流綠影紅香底
好箇鴛鴦不自繇

題畫

四首

元牟巖

天氣融和凍已開
桃花浪暖亦佳哉
人生辦取東南尉
底用一雙鸕鷀來

多情宛頸兩鴛鴦
貪趁湖心浪裏香
散髮幽人休蕩漿
夜深花露濕衣裳

金鷗爭放木芙蓉
蘸影清波分外紅
玉立前庭一公子

風標不與俗人同

積雪凝寒不肯融
梅花佇立待春風
嫩波正比鴨頭綠
厚葉休嗤鶴頂紅

題錢舜舉畫

元黃潛

鳥雀鷹鷂皆羽族
強之食乃弱之肉
兩雀亦分弱與強
一遭搏噬一高翔
畫師描貌勞意匠
詩人見畫齊惆悵
人間萬事無不然
雞蟲得失安足言

題畫 三首

明陳憲章

紅錦裁衾翠織衣一般文彩見雍熙
綠陰蒼樹無人伴閒看東風燕子飛

暫逼煙江野鳥傳忘機正好共沉浮
不須堅傍高枝立為惜濃陰自白頭

芙蓉香冷越江湄呼得瀟湘伴侶歸
日暮水寒棲不定離羣更傍五雲飛

題林良為朱都憲誠菴先生寫林塘春曉圖

明
陳憲章

煙飛水宿自成羣
物性何嘗不似人
得意乾坤隨上下
東風醉殺野塘春

御定歷代題畫詩類卷九十九